

自由堂稿

申百利
成

自由堂稿

壬申

仁和馬三才愚叟甫著

元夕觀燈曲

二十四首

芳辰三五夜融融
月色燈輝滿太空
贏得春光回大地
無人不在彩雲叢

瑞靄氤氳綺讌陳
寶粧珍玩逐年新
九華色映長春酒
五夜香生不斷塵

巨麗天開萬寶森
琉璃四壁擁如氷
六鰲飛動蒼烟出
人在瑤臺十二層



雲母屏前開色相水晶宮裏弄霏微未論人世
傳燈去疑向天街奪錦歸

畫簷片片落明霞火樹珠林一萬家自是宣和
傳勝事年年此日競紛華

桂液蘭膏夜夜燃朱欄簇簇絳紗鮮恍然身世
蓬瀛上王母筵前聚列僊

珠籠前導翠雲鬟盡道巫山第一班天上謫來
人不識綺羅隊裡去仍還

海上樓臺通蜃市天邊河漢倚星球此際若逢

庾亮客不須乘月上南樓

萬戶歡聲動九天一輪如水不生烟琳宮幻出
三千藏玉井清開十丈蓮

雪態冰魂玉作衣蟾光縹緲襲容輝誰家一曲
風前笛落盡梅花不肯歸

休誇烟水迷樵洞好似芙蓉過錦城盛世金吾
元不禁踏歌聲盡曉雲生

廣寒宮殿暮雲端鼓吹歡騰滿路看自古豐年
占歲首故將綺麗報平安

舞隊歌聲夜幾巡
越羅蜀錦競鮮新
村兒田婦歡遊罷
共說今年大有春

幽坊曲巷靜紛譁
試剪飛蛾紀歲華
獨有無私是明月
清輝不異五侯家

綵繩高繫百花樞
笑語千門轍夜扃
此日大酺明主賜
還期海宇共清寧

萬里游塵過雨清
春光晴色兩關情
青天片片瓊枝出
銀海迢迢貝闕生

貨郎遊騎道縱橫
花火輝煌入夜生
已見蛟龍

騰玉宇不須霄漢望
金莖

盡日春遊不盡歡
夜來風物總宜看
金蓮架上

迴丹鳳白玉樓頭
聽紫鸞

地仍南渡繁華俗
人是西湖放達身
自愛飄飄

塵外思不妨日醉
杖頭春

上元南宋張鎰夕
魚鳳燃犀坐玉壺
百技如雲

通輦路萬花新曲
競傳呼

嵇琴鳳阮出娉婷
玉漏聲中翠輦停
一自天

明開氣象至今不
數綴金莖

武林元夕舊堪憐
今夕真疑不夜天
遮莫頻催金谷酒
番然雲外落嬋娟

浮塵擾擾任東西
誰遣聲華到眼迷
世事無端長夜過
不須愁聽隔林雞

十年長樂謝聞鍾
元夜豪狂興轉濃
忽謾筵前歌既醉
一簾清影上芙蓉

送許使君守柳州

不堪離別艷陽天
野色晴烟思轉牽
萬里人遊梅嶺外
一腔春到柳江邊
清風重見携琴入
夷

俗爭看賣劍先龍
壁雲生常作雨香鄰
傾倒更

何年香鄰乃使君別業

天香堂爲沈明府題

新築娟娟桂影團
四簷高傍翠雲攢
天空色應金風轉
地僻香生玉宇寒
蟾窟原分三種異
燕山仍起一堂歡
秋來想到中庭月
疑有僊人跨

白鸞

春日諸同年赴俞藍翁招飲舒嘯亭觀梅
別館芝簷敞林僻
門深迥與塵埃隔
蒼茫四壁

敷春顏開遍梅花萬竹間紅梅白梅競紛笑綴
玉流霞相照耀遊鞭南指轉復西恍然何異羅
浮堤重列尊壘更出醴一江霧歛天如洗昔同
看花今採薇主翁况息漢陰機由來堯舜有巢
由舒嘯亭前共勸酬萬事從前那得顧百年春
光幾朝暮綠四紅三歡且呼醉眼相看日未晡
攜手苔堦不知別信步花邊任攀折一枝折向
翠烟歸馬首心神蕩欲飛

送錢卓菴主政還朝

祖筵列河菹握手艷陽初霜薄草丰茸風輕梅
欲踈之子將遠遊燕幽帝王居入奏舊含香馳
恩賁庭除一朝孝廉船言反承明廬晴雲掛長
帆柳色迎前驅行行贊熙皞坐俾壯猷攄勉哉
懋勳伐離別意何如

送沈中舍使節還朝

山梅辭曉旆驛柳引春裾使節還朝日官坊席
正虛

遊佛慧寺

尋芳偶過山之陰，樹裡禪關翠靄森。
放棹不逢春水長，登壇真見雨花臨。
雲生幻出青蓮界，地迥晴開碧玉林。
繞遍迴廊歸日暮，蒼茫又隔武陵深。

早春集起震樓分韻得春字

景色競芳新，深林又早春。
樓臺開曉霽，水竹款情親。
詞出心疑錦，庖供饌愧珎。
梅花香入酒，酬勸莫嫌頻。

和青門開字

紅梅更白梅，相對松間臺。
東閣興不淺，南州榻謾開。
晴光搖水殿，芳靄臨春杯。
倚徙小牕下，暮雲相徘徊。

和虎泉長字

春來徒擾擾，望色遍蒼茫。
敢負容閒地，爰開修禊觴。
鹿穿花欲落，鳥弄日初長。
還約尋芳去，湖山興未央。

和望陽花字

莫以相逢易，今逢換物華。
露滋池上草，日噴檻

前花世事浮雲盡尊壘夕照斜百年天地內一
醉是生涯

和龍洲天字

昨日看山罷今朝更敞筵風光隨地勝吟興逐
春偏松竹慚爲主蓬茅別有天悠然發長嘯迥
已隔塵緣

和三洲東字

樓起雙松北筵開一水東喜逢嵇阮輩况在艷
陽中賓主相忘口謳歌太古風自憐傲世者白

首樂年豐

和禹泉聞字

五十愧無聞尋盟喜共君醉吟千榦竹閒卧一
牕雲徑曲藏春巧門深遠市紛良辰鷗鷺侶何
日更爲羣

春雪篇

夕陰生春寒飄霰揚風攔不成臘前瑞胡來羣
芳端歲事茫茫那可知堪憐粧點艷陽時青門
老叟與本豪三竺天開雲壑高狂歌笑指不憚

遠星筐火樹隨新醪二月身猶季子裘六橋客
上王猷舟樾花爛熳柳初垂番向遊鞭凝素輝
瓊樓陌上朱顏出翠袖山間玉麈揮長松九里
晴光盼共言同赴瑤池宴夜半蛟龍下九天簷
虛花雨淋三殿乳竇峰前散同雲如來闕下流
飛電勝覽今宵信足諄况有雪色增鉛華人生
遇景須盡歡閉關慚愧卧袁安

贈表弟胡鴻臚號春塘

愛爾二區林塘清况逢春日新水平春來春去

何必問塘北塘南無限情柳線細牽沾酒路漁
歌遙送隔花聲惠連只在青村裡午夢芊芊草
自生

六橋新植樾柳喜賦分韻得中字

嫩絲間嬌紅湖堤望不空那堪萬劫後復覩九
春中舊態還臨鏡新粧更舞風孤根忻有托蔽
帶若爲窮

憶昔笙歌地停舟冶艷中鉛華遭物忌光復見
春工莫以栽培易須知保護功從今六橋上仍

醉萬花叢

倚笈款塞九邊宴然歲復豐稔恭賦二首
昭代中興日千年喜見之邊功成不戰歲事詠
如茨紫塞間春獵黃雲擁宴嬉白頭蒼海上何
幸際雍熙

漢治元無外幽風重有年躬逢今日盛寰宇盡
歡然感召思

明主經綸屬上賢樗材慚自廢擊壤賦新篇

壽鍾柘村七十

曾共少年場俄驚七十霜門臨桑柘日身著荔
蘿裳膝下青雲近壺中白晝長春雲擁芳靄歲
歲獻華堂

山郭春陰得會字

荒園倚碧漪春城環如帶晨朝一雨過深林淨
氛靄重雲流蒼天醞釀甘霖滄烟色方池邊陽
光青山外花徑暗芳塵柳岸低輕蓋地偏足盤
桓况附耆英會

池亭晚霽得門字

臨池興何似入暮轉騰騫移席青山出停杯翠
靄繁襟期元自適鳥鵲不須喧倚徙詩成候斜
陽半在門

送表弟胡鴻臚北上

春風忽起北鴻羣握手湖山未忍分敢向塵埃
論出處轉因離別見殷勤燕關地迥有紅日吳
嵩天高無白雲此去何須更南顧常將禮樂侍
明君

送顧憲使入蜀

巴蜀山川天下聞使君持節來江濱峩峩峯高
插青漢灑灑水長飛白雲莫論征途更萬里却
憐春色纔平分竒遊詞賦幾時就好寄天邊孤
鴈羣

送人赴薊州軍

海濱論將畧匪汝更何人慷慨平胡志魁梧報
主身不須愁失馬指日見圖麟遙憶盧龍路晴
風萬柳春

春集霞上樓聞枯棹聲有感分韻得橋字

聲出綠陰橋，咿咿聽轉饒。度筵侵曲妙，入柳雜
鶯嬌。機軸違時調，烟花任物驕。明農吾意愜，傾
耳醉春朝。

惜餘春分韻得青字絕句四首

湖上春光柳外亭，東風晴日競娉婷。韶華逝水
元相入，對景須教酒不停。

對景須教酒不停，飛花舞絮滿芳汀。晝閒無限
留春意，綠樹陰中戶半扃。

綠樹陰中戶半扃，捲簾習靜數堯蓂。春光似愛

閒風月，不斷園林草色青。

不斷園林草色青，薔薇又遍錦雲屏。芳菲次第
春常在，何用花前繫彩鈴。

送龍南吳山人遊天目

此去還鄉路，因爲覽勝遊。山當吳地望，水入雪
川流。晴日雲邊興，春風郭外舟。平生徒夢想，那
得共追求。

客從江上來，訪我白雲隈。一曲陽春調，青山暮
雨杯。遊鞭還地勝，別袂對花開。天目東西峙，憐

君作賦才

懶翁長兄過訪贈別

短棹春深過隱居
吾兄心事更誰知
十年長我番疑少
一曲怡情不是痴
時事共悲滄海變
乾坤空望白雲遲
竹牕松逕渾無事
莫惜頻來坐日移

長春歌有小序

長春歌者何壽刑部尚書郎賜泉江君也
江吾杭名族君且世卿後登高第然不爲

驕揚態而樸茂篤行蓋卓然古君子也茲
年五十矣文士九人者其子進士君友也
以通家謀所以遙祝而繪圖乞言於余率
爾應之九人爲誰茹子維新徐子萃春朱
子哲吳子梓材王子純卿周子善繼莫子
睿施子紹慶吳子鰲也

是誰繪此長春圖
雲松四壁景物殊
翩翩瑞爵天邊下
林林野鹿花間娛
從龍岳麓競冶艷
芝蘭秀靄相紛敷
賜泉先生古君子
累葉中朝耀

金紫閎閎連雲志不渝謙謙丰度光橋梓萬年
帝業開金陵當代葵章重貫城含香清與書初
考奕世詞華賦二京粉垣退食張芳宴百歲風
光方遇半白鷺洲前海作杯紅蓮郭外霞爲幔
蓬萊還獻方朔旌塵寰更歷希夷算吳山學士
舊通家暫違霄壤心非遐徒仰高踪奮三島無
能縮地傾九霞因之繪圖寄遙祝我亦爲君歌
此曲桑田滄海幾變遷德門福澤常相續如君
不忝萬石風仙郎况是謝庭王五色驚看彩鳳

雖一天共羨青雲躡 闕廷簪紱慶蟬聯汗史
勳猷駢驥足顏渥何須葛令丹堂高重蔭裴公
綠歌罷烟雲淨碧湖尊前請披遙祝圖爵祿從
今踐台斗年年同醉長春酒

夏日登沈憲伯萬詠樓

天近樓臺碧水灣休文弘構喜同攀日長綠擁
千林樹地迥青開滿座山檻外烟霞供藻思鏡
中魚鳥破塵顏莫耽萬詠催新賦還見娥眉入
漢班

夏日雨中佛慧寺訪月谿上人

寺門斜倚碧峰齊
長日同遊過水西
曲逕泉迴蒼蘚滑
千山樹擁綠雲低
空中大證飛花雨
世上浮踪任雪泥
爲問禪機何處覓
一天塵淨月臨谿

贈王岑上人

玉岑脩行幾經年
叩之默默心了然
已向形骸開大覺
還因空色見真詮
定餘幻出三乘秘
悟後心通六祖傳
苦海滄茫迷彼岸
更從何地問歸禪

沈母貽德遐齡卷

八十自古稱中壽
君家阿母誰能邁
子爲大夫貴且賢
四十辭榮樂圭竇
慧幃白髮日承顏
愛日堂前舞綵袖
長夏弘開王母筵
霞帔東海祥雲覆
有酒載進玉壺春
有曲載續鈞天奏
芝蘭玉樹森滿庭
又見安車迎薦繡
由來種德慶無涯
遐齡百祿天之祐

題文蘭卷

自是名花能絕俗
豈因幽谷不生香
文姬思共

湘臯遠艷李穠桃枉學狂

常因秋佩想芳妍曾在王維綺石邊一曲荷蘭
歌欲歇新詞又向吹臺傳

贈范子孝

朝望白雲生暮望白雲止舉頭見白雲親沒徒
瞻企憶昔秋梁公芳名照青史寥寥千載餘賢
哉范仲子慈節母氏恩父顏竟何似念茲切衷
腸白雲共披靡白雲有時窮此情良未已

夏日同沈庶訪酌朱廣文張經憲於小園

荒林長日靜塵喧竹色桐陰暑不前自分羲皇
高臥者偶逢湖海浪遊僊移尊香襲新荷外放
棹雲生落照邊曲徑何能淹上客祇因魚鳥共
畱連

壽錢封翁九十

今古推耆德如翁迥絕倫五朝新祿養三徑舊
閒身擊壤遺風在含杯樂意真無勞賜几杖散
步轉精神

僊郎辭膝下迢遞上林深勅千年遇瞻雲萬

里心烟霞陳楚醴風日響虞琴重荷恩綸日還
賡百歲吟

也足亭

踈竹瀟瀟白玉林數椽臨水憇清陰請看也足
名亭意總是無求處世心

光裕堂

君家光裕舊名堂賸有詩書一味香此日過庭
應不負雲霄萬里看翱翔

近溪書屋

山色氤氳水渺茫繞溪卜築意何長主人自是
忘機者一卷黃庭一炷香

環翠樓

空中飛棟青雲出檻外看山翠靄浮想見澄秋
臨皓月一尊疑向廣寒遊

送朱廣文歸京口

幾年江海慕仙蹤爲訪幽棲幸此逢不獨詩篇
高白雪還將聲律契黃鍾閒來經濟談逾壯老
去遨遊興轉濃重晤西湖須莫負一尊秋水看

芙蓉

送客迢遙北固船却憐家在大江邊波濤東接
青天近陵闕西通紫氣連鐵甕好吟初滿月練
湖應過未凋蓮山中有憶君須念肯寄中冷一
勺泉

賤日答沈刺史二首

十年林臥復何如深藉同遊慰索居僻地自堪
容朽質明時原不棄茅廬憑軒白髮秋風暮對
客清尊霽景初歲歲占星聚茲夕少微光映碧

雲虛

塵居東傍水雲幽雨過涓涓不盡流會續永和
三日禊地開起震五湖樓敢論大雅風斯下纔
過中秋月尚畱客有歸途歌白雪由來此曲少
人酬

同沈廉訪訪吳奉常於昭慶寺移舟湖上
西湖重泛忽深秋况得相逢話舊遊景入斜陽
偏灼爍情因久別重綢繆青山款款論心酒紅
葉依依攬輿舟世事總歸東逝水無端莫遣上

眉頭

結句因有感時事

賦得山到斜陽紫翠深

山色臨初暮輝輝詎易云天開媧后彩壁擁竇
家文錯落疑通蜃離披不是雲市趨紛未已誰
共醉清氛

九日同沈青門諸公讌陳月日來宸樓

幽棲其柰歲華流驚向苜觴送遠眸不是陳蕃
能下榻誰從沈約共登樓暮山烟色猶含雨殘
葉簷聲總入秋騰却湖頭篔簹在與餘晴傍碧

雲遊

秋日會同年於起震樓酬對陽姜丈

一自風塵別相逢鬢各絲其如一夕話難盡十
年私村釀情偏洽涼飈榻漫移頃傳賦先就王
粲倚樓時

秋日集李岫巖山房題贈

樓閣陰陰碧樹深登臨日暮氣蕭森山中隨地
開蓮社秋杪移尊到竹林賸有浮雲生幻景不
須流水浣塵心相逢已是經年別誰謂蓬萊可

易尋

訪顧介翁山樓題贈

夾道長松曲水灣，高人卜築白雲間。
莫言地僻猶通市，却喜心清但看山。
祇樹入簷垂薜荔，蓮花過雨長潺湲。
客來盡日同歡笑，塵世閒居總未閒。

歸自金沙灘，泛月同沈姜。二年文分韻，得

松字

日暮出深松，扁舟渡口逢。餘暉猶及返，一葉僅

堪容。繾綣情難別，迢遙話易重。水中飛動處，月色欲成龍。

送張見南闕幕赴淮陰王中丞之辟

塵轍今淹浙，輕帆頃入淮。
長吟楚水客，三徙杜陵齋。
賦以秋雲就，情將月夜諧。
南來應有鴈，何日慰離懷。

師相徐存翁七十壽章排律一百句

當代推耆俊，吾師邁等倫。
台垣弘德業，光嶽萃精神。
名世昌期協，鍾靈間氣真。
上書原遇主，抗

疏卽忘身玉署聲華茂青衿樂育彬越鄉高品
藻楚甸遍陶甄道脉宗洙泗文源接漢秦宮端
鳴珮日闕下賜環辰再視壘坡草重分禁籞珍
鑑衡資計吏桃李藹成均魚水遭逢異鹽梅眷
渥諄彈冠趨紫閣曳履上丹宸豺虎當途出薰
猶共器陳洪荒誰砥障忠鯁詎淄磷燮理乾坤
正調和鼎膺勻隱然安社稷公論在朝紳改革
雲雷迅匡扶日月新廟謨歸贊翊國是定紛纒
繼體中興治先朝顧命臣八埏敷氣象萬里淨

風塵虞典都俞盛周公吐握頻嘗猶虛帶礪功
不後麒麟里築懸車室舟迴妬婦津讓賢違薦
剡避蒲向松筠謝臥東山裡夷來北海濱製衣
還薜荔入饌遂鱸葦脩禊蘭亭洽承歡王樹親
九峰吟縱屐三泖坐垂緡綺宴張秋晚黃花釀
酒醇忻迎大隱客言值古稀旬海上蓬萊窟尊
前洛社賓萸舒二十葉樾熟幾千春綠野霞光
燦青牛瑞應臻容閒息浩蕩優老詔仍瀕適意
顏逾赤憂時髮若銀五湖開壽域何日起蒲輪

昔謬登龍會深慚附驥因羣才元濟濟善誘獨
循循霄漢噓微羽江河潤涸鱗庸愚雖自棄造
就孰非仁侍從官初忝卿階命復申襆袍常藉
覆醉尉柰生嗔塞馬寧論失心猿頗幸馴無能
謝樗散况敢嘆沉淪老去常窺鏡愁來每抱薪
嵇康惟習懶原憲本甘貧吳市聊投跡王生謾
卜鄰及門空有地望斗渺無垠分隔情徒切心
存報豈湮未由隨舞袖遙爲賦莊椿

輓湯子

人孰無死孰若爾四十盛年克家子冥冥壯志
獨奈何哀哀二親况老矣一心常在倫理中四
座寧復和風裡彼不識字號讀書嗟乎胡不于
此視

施將軍七十壽章

纔過重陽又一句施家菊花開紛纒摘來釀酒
敞高宴云是主人懸弧辰主人世讀孫吳書身
况邊疆百戰餘不願登壇稱漢將嘗將詞賦追
相如未老辭官愛種菊結客賡酬花下曲七十

昂歲子且賢誰不羨道人中僊余聞菊稟陰之
精冷英飲水能長生君家得之世多壽不獨淵
明遺世情歲歲花開色不異童顏對花常相似
今日登堂獻一觴壽祉共祝川方至

菊前觴客用韻謾賦

舍北小堂門畫掩客來款款一叢花林聽落葉
秋將暮酒對斜陽興轉餘隔水久拚忘漢世垂
楊原不異陶家坐深夜令人歸後萬菊簷高滿
月華

贈顧太僕重封卷

諫書曾上五龍城異代褒崇仰令名折檻身聊
存萬死賜環恩敢望餘生班聯紫綬官階重誥
下金泥寵數榮侍從十年虛報稱因君能不重
含情

題雙萱金茂圖贈王侍御

仙萱原不類凡花和氣君家倍足誇先後海南
分異種參差堂北發靈葩金莖天迥雙耐露烏
府雲深金簇霞愛日兩階春浩蕩百年歡慶共

無涯

送鄔東泉督撫

節鉞輝煌祖帳臨
寒風別思轉難禁
周田歲稔歌千億
漢島功成見七擒
虛擬麒麟全盛日
誰憐薏苡老臣心
萬年鍾阜開基地
新命懸知帝念深

贈馮節母

曾識馮君朗那知
阿母賢鉛華春寂
寂冰雪操年年褒
錄綸音渥歡承絲
服鮮吳門迎養日
共

羨孝廉船

雨中訪陸五臺奉常於虎林僧舍夜談漫賦

夢時別後覺來逢
禪榻燈前意氣濃
風雨共歡今夕酒
鬢毛同改昔年容
那堪色變猶談虎
誰似名高稱臥龍
直道先朝惟汲黯
召歸何日贊時雍

送喬丈擢駕部還南都

津亭颯颯響疎桐
客有乘槎泛碧空
才子生來

三陝右宦遊今到五湖東百年經術傳家學一代詞章紹國風歸向秣陵司馬署白雲叢裡賦逾工

許仰嵯榮封國博

仙郎橫卷紫宸班萬里馳章下帝關但得官爲秦博士何須身出漢商山龍函寶墨榮初被宦相清標鬢未斑水部流芳遺典在誰如兩世沐恩頒

郭樂泉僉憲改任河南

嵩洛原中土驍驪今大途毋須論淹達行再展許謨攬轡風初凜遊梁興不孤送君回白首紅樹滿西湖

夙駕臨寒旭彈冠出惠文以茲趨鳳詔何日更鷗羣紫氣燕關近蒼生豫野分政餘如有述可但賦停雲

題蟠桃圖

五色花開碧玉枝蒼崖垂寶覆靈芝若非曼倩前身是誰覩瑤池蒲樹奇

南陔秋翠卷贈楚中羅節婦

讀罷栢舟篇因知阿母賢
白頭冰雪操秋水孝
廉船西楚祥光麗南陔
綵袖妍采風還帝里息
賁紫泥箋

同陸一航泛西湖暮歸作

莫道山中無客到扁舟乘興爲君開
從教北海同遊侶幾向西湖共舉杯
寒色飄颻紅樹外烟光縹緲白雲隈
夜來照水星芒燦好似張騫奉使回

再贈別一首

憶自別京華迢遙各海涯
何期一夕話初泊五湖槎
著就神農譜尋先顏闔家
憐君頭未白重訪莫言賒

贈一航永思堂 有小序

皖城一航陸君博雅能詩于學無所不窺
而以醫名者蓋有所托而隱焉者也往識
余都門一別十年餘茲不遠千里訪余西
湖之上因出永思錄并潯陽宗伯題卷以

示爰書以續貂而還金者其先公懿行之
一云

信若還金者由來世德音誰言三代遠直繫百
年思風木情難盡頻繫願不移堂前雙玉樹日
日露華滋

九十翁錢素菴封君輓章

海上論仙逸先生更孰如息沾三徙後身歷五
朝餘天地全歸日泉臺笑入初獨憐遊子淚水
雪灑簾廬

吳山雪霽同酌葉白石諸公得形字

憑高望眼控濛溟殘雪踈牕迥不扃占歲已呈
千里瑞隔江仍出萬山青尊壘遍入烟霞氣詞
賦先傳月露形暮惜醉歸天欲暝炯然光聚少
微星

送葉山人歸姑蘇

高人家住五湖中萬頃波濤一葉通地遠不辭
來雪夜興豪寧獨以文雄將因歲暮尋歸計更
許春初趁好風載酒西湖遲爾到六橋同醉萬

花中

雪後沈青門劉望陽沈三洲三丈過訪小園適紅梅初開分韻

小閣靄晴空臨流眺覽同
酌纔新試綠梅已遍
舒紅榻傍寒牕下
詞傾滿座雄餘杯敢停勸
日落更呼童

右得空字

莫以鬢華蒼追歡白雪場
四簷飛霰後一榻臥
雲旁酒伴逢燕市生涯似楚狂
休嗟歲云宴春色到梅芳

右得蒼字

俞藍翁招飲施叅軍園亭

俞翁借館城南隅
言集高陽舊酒徒
共羨狎鷗滄海日還臨
舞鳳帝王都
忘機何異秦人洞
任俠誰當卓女壺
信有叅軍歌麗曲
夜深光動照人珠

冬杪李封君自睢陳還同青門諸社丈邀飲小園二首

讌開寒館夕客是遠歸
初聚洛情非淺遊
梁賦不虛早梅紅入座
霽月白盈除此際吳山下新

編到五車

仙郎晝遊日因得奉親還湖上初歸社尊前共
破顏睢陳忠義地嵩洛帝王關一自奚囊遍吟
城鬢欲斑

自由堂稿 癸酉

仁和松里馬三才著

正月五日草堂集青門諸丈分韻得傾字
深藉好懷傾新年續舊盟每虛陳氏榻還重長
卿城歌笑逢春劇笙簧入韻清共看塵網外杯
酒歲華情

又得餘字

歲獻纔傳栢園開又摘蔬客迎三島上盤出五
辛餘白髮年光入紅梅淋氣紆晴簷下新月莫

惜暫停車

是日遲龍洲刺史不至詩來聊爾酬之

塵榻春初掃草堂梅欲燃村有雞黍易野性康
麋便有棹堪乘興無緣只自憐占星聚今夕悵
望五雲邊

壽父石林七十

節屆燈宵景臨雪霽千門火樹烟花石林老叟
喜逢七十年華早春初度堪誇看泚氣氤氳祿
光浩蕩宴開洞府樂奏仙家○簷前圖史階下

芝蘭名辭螭角出擁星楂花朝月夕白頭笑傲
烟霞幔亭新敞梅顏柳眼相遮報綵籌年年添
海屋慶祉無涯

右調燕春臺

送何思春赴試南都

策馬過西湖翩翩思不孤舊京原踞席千里自
名駒家學誰堪紹春風景漸敷江門秋日倚何
以慰霜顛

過卓氏山堂

飛石磷磷控碧寥春遊初趁近村船地開蓮葉
三千界人在蘭津十二橋載酒總宜垂柳徑惜
花偏在落梅朝臨流乘興今伊始遮莫頻來不
待招

書蒼筠冊

萬玉瀟森千夢殘悠然坐對碧琅玕東風冶艷
尋常事肯許西窗共歲寒

暮春宿佛惠月溪上人禪榻

雲林梵閣靜春扉暫憩斜陽上翠微心已悠然

千慮併地原不受一塵歸窗開松杪烟霞麗雨
過山中蕨筍肥恠得朝來尋訪路竹陰蘿幔引
如飛

送富陽劉尹擢廷評

大江自西來垂垂江上柳送客金陵遊解纜春
風後三年撫字身萬里經綸手漢吏孰稱平南
陽今歌母言念何能忘祖筵一杯酒

小園池亭社集得好字

負郭數畝寬投林一枝早地僻恣幽尋窗虛敞

晴昊爰携北門尊言集東都老序臨泚景餘袂
續蘭亭好蔡徒倒歡迎陳榻下初掃日午靜無
埃水流碧如抱綠滋清露墟紅落長風岳相將
卧蒼苔還期拾瑤草村厨愧鳳魚玄言謝鴻寶
獨怪巢許儔燦然揚文藻

夏日吳山姪庄酌臬使沈徐二丈二首

曲徑綠山入澄湖向榻開偶然憑遠眺原不到
緘埃雨過蒼烟起尊移綠樹迴那知城市裡亦
自有蓬萊

別業三茅下陰陰樹色繁清餘元亮宅綠蒲令
公園門外雙驄過林中雜鳥喧暮山弄新霽對
酒興逾騫

贈朱孝子應詔冠帶

聖主頒綸綽明時重孝廉冠袍原自貴五十未
爲淹白髮庭幃喜青山吏隱兼從今娛綵日恩
重老萊襜

題甘谷秋香卷

姚江畫菊稱高品五色芬菲照如錦霜天滿地

歇羣芳獨爾歲蕤音石旁披閱時時娛清暇何
須灌植東籬下異哉蕪畫菊之友翠竹寒烟對
相守

壽陳鹿溪五十

眼前論母黨獨爾倍情親猶記成童日驚逢祝
壽辰三朝人是舊五十髮疑新雨潤葵榴長尊
傾琥珀醇業隆楊子宅訓就孟家鄰蘭玉祥光
霽松筠慶澤伸連床何以贈聊爲頌長春

送藩叅南台馮丈之滇中

薇省滇南去路長使車初發水雲鄉葵榴漸引
千門色風雨還生五月涼潦倒舊遊慚祖席旬
宣新政到蠻方莫將萬里嗟離別賜薦翩翩出
建章

壽范翁七十

誰言七十古來稀七十而翁倍有輝生子鄉間
稱義士娛親何必戲萊衣

贈范翁新居

槐翁本是山林客忽謾移家到水邊暮景不嫌

棲鳥樹餘錢還買釣魚船

恭賀師相渠翁呂老先生七十壽詩三十

韻

黃閣先朝彥蒼生夙望身世逢新泰運壽屆古
稀辰光岳元精萃乾坤間氣真殷邦原賚說周
室又生申早荷鑿坡寵還聯鶴禁賓圖書弘秘
苑樞李茂成均文藻休前轍丰標邁等倫芳名
符夢卜殊拜握絲綸襟度常開霽門墻但飲醇
詞章光藥省履寫上楓宸替笏逢瀛裡許謀

漢濱風雲忻際遇負水羨臣隣密勿司喉舌雍
熙領措紳九天扶日月萬國淨氛塵課吏恢衡
鑑掄材引鳳麟竭忠專報主讀禮暫私親故里
心偏遂沅觴襖再陳烟霞深綠野花竹覆綸巾
勲業匡時最儀刑啓後頻山川陪笑傲龍馬羨
精神朱夏傳瓊筆冰盤出錦鱗酒香洛社宴味
薦鏡湖尊燕雀娛堂永芝蘭繞膝勻冀初舒一
葉樨已皞千春德盛心逾下齡高慶轉臻壯猶
輝汗簡晚節抱松筠禔櫟慚微品甄陶仰大鈞

兩都追懿美十載謾沉淪情切華封頌舟違刻
渡津無能伸燕祝會見起蒲輪

夏日集嚴都諫吳山分勝園堂

新堂翠嶺枕高臺榻下風簷綺宴開地勝每携
猿雀往山分原自鳳凰來大江烟色當窗合曲
院桐陰盡日陪滄海明珠君手握照人莫惜夜
深回

過童氏北園懷舊

芳園負郭帶垂楊深巷弘開大隱堂野色池邊

堪避俗林陰日午自生涼繞簷松菊人何在匪
地桑麻業未荒亦是當年歌舞地曾將青鬢醉
花旁

周東岩大夫六十壽

長松屈曲碧雲叢松下仙禽並舞風圖向君家
稱慶處祥光遙映五湖東

中夏月圓過二日大夫花甲報初週請看松鶴
長春宴况是芝蘭金茂秋

壽沈垣翁封君

疇謂投閒早還憐獲福全五朝看曆數八秩儼
神仙嘗憶趨庭者超然漢閣賢官將青瑣冠敕
捧紫泥鮮諫議名銜重絲綸海國傳恩隆身轉
健德邁慶逾綿梧落秋初入冀舒月未圓地臨
三島宴客到五湖船膝下芝蘭遍堂前翰墨偏
西崑開壽域南極耀星躔譽望商山日逍遙洛
社年丰儀原類鶴冠珮總聯蟬野外風光麗天
邊瑞靄妍恍疑霞作醴幾見海為田契幸仙郎
合情緣世講牽青山追笑傲綠野奉周旋松菊

陪難老雲仍衍大千莊椿思有頌慚愧筆如椽
夏日北門小園讌集偶吟花徑不曾緣客
掃蓬門今始為君開之句卽用為韻各賦
五言絕句十四首

曲水帶林斜烟霞路不賒月餘方一到開遍紫
薇花

陰陰芳草池靄靄垂楊徑荷香風轉生不盡臨
流興

濁酒移荒園朱明熙景物新秋芙蓉開客問還

來不

不

竹嫩凝蒼粉松高引翠藤此中無限趣幽探我

何曾

曾

露瀉瑤池液雲歆玉井天蓬茅吾豈厭天地本

隨緣

緣

亭憐水上開人似天邊謫對局共悠悠不是圖

麟客

客

綠樹雲不封蒼苔風自掃跌坐午涼生翹然恣

玄討

掃

從教萬慮空身世總飄蓬開窅浮新綠凭欄出

淺紅

蓬

日搖千樹色水落半池痕不道商山老能臨仲

蔚門

門

大隱原城市高談自古今風細渾無暑雲低別

有陰

今

野色淨于秋霞光燦若綺相逢沮溺儔傾倒自

茲始

始

興到不辭歡坐深豈必醉獨怪風塵中栖栖何

所爲

爲

車停盡長者榻下愧陳君自分忘機久常隨鷗

鳥羣

君

酒闌思不盡其如落日催鳥向林中返舟從柳

外開

開

壽 鄭太妃七十

潢派遠從天上出瓊筵今向洛中開霞光五色
宮雲裡常護君王獻壽杯

東平樂善世無涯日日椒幃問寢來聞道瑤池

降王母秋風舞袖幾千迴

壽吳初泉奉常

名成身退日壽屆古稀年未論莫全謝須看榴
欲然野開裴相第德詠武公篇何幸香山侶稱
觴到海天

新秋同諸公北門小園納涼

何處滌煩襟開尊向竹深梧飛秋乍入榻下客
還臨杯有荷香引簷無暑氣侵風生千樹響日
落半池陰徑繞西堂草門餘翟氏禽烟霞原合

軌金石况同心談劇常忘飲狂來不斷吟
相浩蕩天地任浮沉酒愧元初味詩賡正始音
聊將一曲水暫作七賢林

見輩南都應試雨中漫賦

一雙辭膝去望望大江灣雨吐蛟龍勢雲生鳳
鳥斑但能時自愛何用日承顏番笑逃名者浮
名更此關

范氏六先生文集

世遠澤易竭文存道未徂懿彼紫陽郡鬱然文
獻都范氏代多賢麗藻照寰區琳琅世所寶安
得掌上珠一朝存趙祀云是懷中孤遺編念先
脉珍之恒與俱扁舟載簡帙精華滿江湖孰謂
市賈流而非偉丈夫

壽沈萬筠九十

齒德推名里如公第一人清商七夕後熙暉六
朝身健却登山杖閒垂釣海綸宴開顏轉赤珍
賜典猶新此夜瞻南極光芒迥不倫

秋興

曲水磯頭興不孤，清秋風物動蘼蕪。
閒階夜半蛩偏響，明月天空鴈自呼。
敢謂蓬蒿高北斗，不妨樵牧老西湖。
乾坤是處堪搔首，莫問當年舊酒徒。

泛泛西湖滌碧波，結廬還傍舊山阿。
峯陰似落仙人掌，水色疑通織女河。
巖下丹楓雙雀髻，岸邊疎柳一漁蓑。
莫將景物傷遲暮，漫聽風前白紵歌。

憶自當年侍從班，常隨鸞珮覲龍顏。
風生玉殿梁魚外，露挹金莖霄漢間。
漠漠羽書飛絕塞，迢迢鴻鴈起關山。
不因馬上醒初夢，叢桂山中豈易攀。

秋色黃金易水臺，曾因奉使重徘徊。
天高恒嶽千峰出，水落滹沱一線來。
野草未收馮翊淚，征人日望玉門回。
從今臥向滄江遠，慚愧當年攬轡才。

久晴山館不知秋，鳴雨蕭蕭正倚樓。
垂釣一泓新水長，捲簾千嶂霽雲流。
松篁月下頻呼酒，萸

菊堤邊漫放舟不謂踈狂能老我日隨鷗鳥蓼
花洲

南峰北峰揚清氛丹崖蒼壁相繽紛一湖秋水
搖衰柳幾樹歸鴉噪夕暝綺麗不隨龍馭去嶮
峨疑向鳳山分竹窗松牖渾無賴日日凭欄數
白雲

六橋迢遞鎖蒼烟築自蘇公治郡年過眼紫緇
飛越女因風畫舫出虞絃尊移人在芙蓉上棹
泛天疑河漢邊不以沉酣酬物候其如紅樹滿

山巔

雨過秋江氣欲吞江光兩岼浪花翻東流不盡
鷗夷恨南渡猶存鳳舞軒頭白向人惟竹葉機
忘隨地是樵源誰言此際蕭條甚烏雀何妨翟
氏門

送金中舍還朝

八月仙槎奉使歸涼風颯颯旆雙飛暫遊楚甸
新詞客仍入燕關舊省闈纜解喜迎秋水長袂
分愁共野雲依逢人若問山中叟爲報踈慵漫

息機

送顧藩叅入閩中

相逢萬里後閩海上藩垣愧我年逾邁憐君位
日尊黃花開祖讌紅樹照秋村不醉江亭酒其
如別思繁

搖落正愁吾因君憶去途三山斜帶部九曲坐
堪圖月色排鴻鴈林聲聽鷓鴣總拋鄉國思霄
漢漫長驅

翁湘湖祖孫同祀鄉賢

為儒誰廟食似祖即賢孫俎豆光千載精英萃
一門貽謀秦博士繼武漢平原桃李春風遠甘
棠世愛存生同鍾間氣沒共荷餘恩不盡先公
意流芳衍後昆

栢萱堂為劉憲使母賦

南山翠栢北堂萱萱可忘憂栢比堅白髮貞心
元一日青雲慈訓屬三遷覃恩天上鸞封渥獻
壽淮西鶴算綿自是仙郎兼覲省化行南國頌
聲偏

送王陽谷兵憲吳中

叔度元稱漢方平再入吳寧惟兵寄重還識杜
猷殊黃菊迎新節甘棠映舊壚歎慚逃世者門
掩自西湖

送涂心宇郡伯考績兼入覲

西湖開祖讌離思爲誰真萬里冰霜路三年屏
翰身春隨嵩祝近晁荷璽褒頻欲慰臨岐意棠
陰處處新

送貞菴趙明府入覲

草堂不謂過仙車握手何須爲別嗟漢室正開
延士閣河陽曾種隔年花龍飛天地逢寧易鳧
起雲霄憶轉餘此際津亭違伏枕春回日日望
天涯

寄張見南姑蘇別駕

分將白髮臥茅廬對使蕭然嘆索居誰謂宦途
同我拙却慚交誼向君疎垂虹春滿褰帷外白
檜雲深宴坐餘才子况兼山水癖興來日日賦
清虛

送沈敬堂會試

握手不能別，停停野水濱。
一尊情未展，萬里思無垠。
路入水霜盡，天開日月新。
彩毫春有賦，聲譽動平津。

曠典貽恩冊爲太宰元翁賦

名世昌期協，貽章寵數煩。
疏傾烏鳥思，榮溢鶴鴒原。
鷲嶺山鍾秀，蟬聯世擁軒。
金張輝漢籍，王樹靄吳村。
千里馳駒蚤，三朝錫馬蕃。
運籌威絕域，曳履上台垣。
花萼貽謀遠，麟皇行瑞繁。
家承

靈運祖國重，富平孫授硯。
遺芳渥分甘，兩地溫泉臺。
鴈字列霄漢，鳳毛翻義率。
追明典恩推，出禁門卿堦。
誇伯仲，帝命表淵源。
林壑元同氣，絲綸仰金尊。
廟堂希曠遇，海宇頌謳喧。
縱是幽明隔，真憐孝友存。
二天情共愜，奕葉慶彌敦。

呂渠翁相公樂志園二首

別業弘開舜水濱，林林蘭玉日相親。
海邊樓閣臨三島，物外烟霞淨六塵。
龍臥總稱龐氏宅，草生別是謝家春。
却憐漢閣圖中老，何異王維畫

癸酉稿
自由堂
十六
裡人

十年鄉國著儀刑回首平章夢獨醒
怡老有堂開綠野賡詩隨處續
蘭亭地疑避世秦人洞業是
中興漢客星黃髮卽今思
聖主蒲輪何日起滄溟

贈月谿上人獅山宗講

遠公白雲間閉門三年多訪我
雙槐里跌坐談維摩四簷照晴
雪滿座驚懸河曷以供午厨蓬
蒿生巖阿因言吳門遊暫駐獅
山窩春風方丈

外雨花生曼陀

詠雪和青門三首

寒雲細雨晝醮醮忽見飛瓊點
碧衫風入空中還蕩滌山因積處
轉巉巖頻傾竹葉愁能破欲放
梅花蕊尚緘白髮尊前聊紀瑞
一窗豪興動詩函

右和衫字

老於世事總非諳擁褐江湖閉
草菴雲合虛簷垂穆穆光流墮
羽落毵毵藍關夢斷心常逸洛
水門深意自甘占歲三農何以
慰且將豐稔博

醜醜

右和諧字

瑤華送臘弄纖纖不謂玄冥去轉巖草樹恍疑
銀海曙乾坤誰起玉龍潛灞橋有思詩初就剡
水無舟興亦恬自是梅花深院靜一腔清思夜
還添

右和巖字

題松鶴圖壽沈大夫龍洲

誰寫青松白雀圖逍遙風景似蓬壺萬曆癸酉
歲云徂大夫高謙張懸弧白首相逢興不孤稱
觴有圖還有飲未老懸車五馬途初衣結社西

子湖生子共羨掌中珠云是商家五丈夫霄漢
勳名次第敷壽躋六秩髮猶烏華筵坐擁斑斕
娛倒屣披圖醉歡呼玩雪寒窗見且扶不羨如
意推珊瑚但願大夫之壽如松長青永不枯百
千斯年雀鳴子和贊皇謨

自由堂稿

甲戌

仁和松里馬三才著

和三洲元宵五夜五首

春色經旬外燈輝競夕披堂疑不夜景月是漸
圓時鼓吹香塵亂烟花曉漏遲歌聲人到處遊
賞詎須期

右十三

佳釐誇三五竟先向此銷金波流欲滿王勒控
初驕花雨三千界流霞十二橋物情知有忌吾
獨愛今宵

右十四

月滿光逾皎晴多興轉優地疑騰海出人似弄
珠遊翠袖迎朱戶清音起玉樓纖塵欲斷處不
覺曙光浮

右十五

佳節開筵罷風光復此過燈樓猶簇錦月色尚
凌波剩有黃柑酒還聽子夜歌明時原弛禁休
問夜如何

右十六

五夜張燈俗相傳此夕殘盈廚那可問華焰一
同看火底頻催漏宵中不盡歡忽傳歌郢曲薄
劣和應難

右十七

贈劉望陽新居

美人西辭碧浪湖瑞石山旁卜一區自愛草堂
歸杜甫何妨故態是狂奴門臨屈曲樵源路景
擅清幽輞水圖莫怪相思不相見亦知閉戶著
潛夫

早春社集雪中聯句

翰墨開新社賢才集舊遊

沈仕

偶逢春霰屢施

經共喜暮堂幽

馬三才

把盞情難盡

沈詔

裁詩

意更投

李奎

天低疑入坐

仕

雲密欲成樓

奎酒

色瓊枝映三才花香玉樹浮奎驪珠誰早獲劉
子伯郢雪我先謳詔筆陣驚三影盤鯖羹五侯
沈淮地同梁苑勝人與竹林儔經撥火寒應遣
挑燈夜復留淮應知黃竹詠盱食正懷憂仕

春日雪中社集分韻

苔逕春初掃芝簷雪正飛坐聯詞燦爛風入影
霏微刻燭緣非淺尋梅願不違夜還理舟楫疑
向剡溪歸

午餘猶擁褐客至始開關豈是陪金谷俄焉見
玉山情元因社洽髮不爲詩斑覽霽西湖上相
將躡屐攀

媿江門七十壽旦

江門踪跡半江湖收得名山入畫圖七十雙瞳
光似電何須海上覓靈符

世事年來已不聞手摩石鼓斷碑文却憐家住
吳山下日日巖前挹紫氛

二月十九日同龍洲沈公中洲傅公漸達

朱公宿天竺山房次中洲韻

半天香靄迷晴晝一宿名山續舊緣景到春來
終是幻心能覺處總爲禪三生石上留因証九
里松前閱歲年餘興更尋霞上約蒼巒碧水兩
悠然

凌雙橋太守邀飲萬松書院

廟貌巍巍碧樹林松陰迢遞護幽深山疑玉井
芙蓉出地擁金城虎豹森野外尊壘同笑覽意
中魚鳥任浮沉相看總是春遊伴艷李穠桃次
第尋

壽田節婦

玉蘭初放雨初晴綺宴弘開白髮明會見仙郎
移孝日綸恩重爲表孤貞

訪洞陽山人不遇歸辱詩教

莫言乘輿棹空回博得明珠海外來顧我慚非
題柱客知君原是臥龍才落梅地僻人難到
雨門深句獨裁柳色花香湖上景因將霽玩奉
春杯

姚閩清書來寄謝

一絨真見故人情
荏苒年華兩地更
邑小閩南難展驥
春深湖上獸聞鶯
風塵古往勳名在
霄漢今開日月明
竒勝三山那得見
思君吟望柳條生

送余古竹貢上春官

年來巖谷謝逢迎
忽漫因君賦北征
莫以逝波成浩嘆
却憐經術上承明
風塵易水三千里
宮闕燕京百二城
霄漢故人青眼在
不須對酒惜離情

暮春集陳中丞且適園

得地元誇勝
移尊尚及春
烟霞雙白眼
滄海幾聞身
隔水紅將盡
窺簷綠漸勻
一區楊子宅
莫厭問竒頻

疇謂抽簪早
還憐下榻情
地應違市擾
景况際春晴
路曲臨雙鏡
樓危出九清
酒闌歌未已
聲逐暮雲生

書褚元泉年文嘉遯流芳冊

先子曾懸五馬車
百年藉藉騰芳譽
誰知奕葉

讀遺書蚤歲飄飄青雲裾佐郡澤流章江餘兩
世循良疇能如一朝未老賦歸歟故鄉棲息城
西廬浮榮駒隙寧足噓著書竟日耽樓居寄拙
園中五畝蔬松菊陰陰遍階除池中豈少張翰
魚風前嘗把淵明鋤祖孫大隱詎云虛何異漢
家稱二疏

暮春姚洞陽山人李珠山封君沈雅堂刺
史凌雙橋太守沈三洲廉訪集北門新堂
共賦楊字

小堂新構翠雲傍錦繡屏開午院香半畝鳩巢
終我老九春蟻瓮共君嘗名花灼灼天初霽
曲涓涓夜未央醉去悠然歸短棹詞成不是賦
長楊

二月十九遊上天竺二首

白馬當年西極來迢迢宮殿信雄哉松間鶴鶴
奮風起天際烟霞拂檻回貝葉肯隨朝露盡蓮
花常帶夕陽開五峰不過簷前雨誰遣雙龍落
澗隈

宋宮寂寞鎖苔斑
梵宇巍巍迥市寰
方外杯行移白日
座間雨過擁青山
烟花幻出三千界
虎豹雄開百二關
松韻泉聲隨地入
不妨仙侶暮同攀

孫鶴峰道長出按閩中便道過草廬言別

述此以贈

忽傳驄馬過江鄉
曾識文雄紹子長

鶴峰乃繼翁宗伯之

子余昔所錄十一也

北海十年書不到
西臺此日譽初揚

情深下榻投吳語
心遠明時愧楚狂
莫惜又分

今夕袂三山須遍召公棠

壽冉山王丈六十

三十投簪六十時
眼中桑海總如棊
若非斗酒詩千卷
那得身強髮不絲

天真書院志感

峰巒翠嶺上青雲
廟貌森森祀事殷
學闡羲皇千古秘
地臨吳越一江分
樓臺長日陰初靜
魚鳥晴空景自文
白髮樗材瞻禮罷
愧將尊酒對斜曛

挽與庶納言

當代周公瑾相逢易水臺極知憐我拙孰意爲
君哀滄海文星隕春江遠襯來遺書安所托掌
上金琪瑰

金陵江海上佳麗帝王都昔轍余慚覆茲遊爾
更徒社珍崔顥句國仰仲書謨安得南山石千
秋表丈夫

送三洲年丈之任江右

憶自垂髫日相逢白髮生偶同憐往事終異見
茲行把袂青蓮沼揚帆綠樹程所嗟形共影分
散各含情

鄉國看花宴當年附驥頻風塵原大夢朝省卽
前因白雪成吟日蒼生屬望身秋來明月夜杯
酒向誰親

別業南湖上相望各擅竒漁樵繁舊侶尊酒幾
同移刻燭分題後忘機對局時不知何日晤重
是聚星期

樽櫟原何賴明時歎重材暫開章水府還上廣

陽臺竹馬迎新節甘棠識舊栽古今難際遇莫負臥龍才

送懶翁兄歸伍林

嘗憶村居遠相逢契分投未論青入眼共迓白盈頭舊業西湖小新巢北部幽日長頻載酒清話愧淹留

兄來四十日無日不追隨江上山頻看湖邊棹幾移艷歌清夜洽逸興碧筒知忍向尊前別悠然隔水涯

句餘八景

龍泉中鎮

巍然翠聳越南城樓閣弘開望眼明萬里潮來迎海入千年龍臥有泉生地靈誰是人中傑仙去空畱洞裏名遙憶追遊最高處江湖廊廟兩含情

鳳嶼東迴

鳳山昔日鳳凰遊山勢逶迤護帝丘燈向空中生萬點水從環處見雙流峰巒翠嶽原分勝祠

廟陰森不記秋乘暇風前憑眺覽琪花瑤草漫
相求

三江一派

鳳山山下水沄沄江中鯉魚吹芳芹一鯉每驚
三色異三江原自一江分銀河秋落中天影白
練晴開列障雲蕙草年年滿洲渚相將渡口挹
清芬

百雉雙環

雉影雙環控海東烟寰南北跨長虹萬年形勢
雄江上兩地金湯冠越中樓閣金疑通層市經
營永荷真鰲宮更憐民是虞封舊絃誦悠然上
古風

南山競秀

烟屏霧障縣門通迢迢南來幾萬重白水春深
飛瀑布青山天遠削芙蓉巖虛曉挹雲霞燦雨
過光添草樹濃聞有仙人曾羽化石床丹竈薜
蘿封

北海澄波

巖城北望海門寬，滿目蒼茫屬大觀。
樹色天低雲漠漠，潮聲地迥水漫漫。
狂流功築長堤易，浮俗人稱砥柱難。
安得乘槎從此去，斗牛秋泛夜光寒。

客星峻巘

客星巘枕舜江濱，生長高賢跡未湮。
不羨崔巍千尺秀，還憐風節萬年新。
身歲豈謂無成業，主聖由來遂不臣。
賸有山前遺塚在，斷碑荒草自長春。

治沼祥蓮

秘圖山下一泓清，沼內紅蕖故故榮。
自是賢豪鍾間氣，先將花萼見休禎。
青霄羽翰連翩上，黃閣勳名次第成。
已報東山今日瑞，賜環霖雨遍蒼生。

送劉魯峯藩叅賫捧北上

海宇謳歌頌啓賢，清風絳節競朝天。
華封三祝雲霄上，錦纜雙帆暑雨前。
兩浙痼鰥今日疏，千秋金鑑異時傳。
逢人若問西湖叟，爲報年來懶

似仙

夏日青門諸公過湖上豔碧堂分得新字
湖上蓬茅舊春來結構新偶然移短棹何意在
高賓席擁青山出簷窺綠野自古今難聚首莫
惜醉苔茵

金沙晚歸共賦天字

炎塵飛散六橋烟日落霞光媚遠天綠樹陰中
沉醉客半湖風雨送歸船
雲靄晴空繡幄懸中流詞客漫留連滿船風雨

須臾事插遍山南萬頃田

壽養吾費文六十

少小憶同遊那知花甲週徇時余本拙聞道汝
爲優中夏月臨晦初炎雨乍收榴開原麗日桃
熟幾經秋萱草祥雲護藍田瑞靄浮年年稱慶
罷海屋競添籌

題潔菴上人卷

欲識名菴意須知不染心紅蓮出水上綠竹在
林深一點慈悲念悠悠世上音

壽費母八十

子年六十母八十綺宴重開炎風襲壽筭翩翩
紫霞流承歡藹藹斑斕入此日同食海上栳何
時更起天邊蟄待子八十母百齡芝蘭馥郁祥
雲集

又

誰繪黃萱翠栢圖持來堂上慶麻姑仙家六月
渾忘暑寒雪清水瀉玉壺

小園避暑候諸公不至有作

水近堂原僻林深景自幽忽傳尋舊約不惜泛
輕舟榻上塵初掃風前暑漸收此時還獨立涼
靄轉悠悠

村庄卽事

初炎閒過水雲鄉夜半燈前話轉長好似謝家
詩興逸一天風雨正連床

插遍村南萬頃田野情霽色兩悠然兄酬弟勸
歸舟晚一榻荷衣帶月眠

文谷孔師七十壽章三十韻

南極騰輝日東山屬望身四朝黃髮老三晉紫
薇臣汾水原鍾秀華山夙降神賢生當間氣時
際邁羣倫鷄薦登霄漢臚傳引鳳麟渥恩陪史
局特詔領儒紳詞賦追風雅文章邁漢秦三關
揚藻鑑兩浙荷陶甄敷歷風猷著勲勞屏翰勻
斗山馳譽望桃李競紛繽峻秩藩垣極慈幃沁
水親章程昭國典劔履阻楓宸慷慨辭榮疏道
遙避寵人襖脩童子谷社締少陽賓嘉樹閒情
適高吟樂意真恍然塵世隔不覺古稀臻昨醉

中秋宴今逢初度辰壽星方見丙皓月未虧輪
酒獻山中聖殺陳物外珍幔亭祥霽集綠野瑞
光新佳氣清商協文筵舞袖彬裳舒十六葉椿
頌八千春庭畔芝蘭茂階前鹿窟馴齡高聳喬
嶽節晚抱松筠樗散慚微品裁成荷大鈞龍登
雖竊幸魚得敢忘因往事渾疑夢文衡枉効曠
瞻雲空有願涉海渺無津道在心徒切恩私報
詎伸臨風歌短曲萬里附雙鱗

送大叅顧西巖賚捧北上

東坡
卷之四
四
薇省三山賦北征西湖一見故人心九天佳節
開金鏡萬里秋光動碧岑報國謾憑中岳頌還
家誰念白頭吟浮生已分沉淪外却恠離亭淚
滿襟

七月四日北門吟社小集次三洲藩叅韻

四首

入秋猶苦熱一棹曉同過暑向尊前少風生水
上多交情深砥柱野色淡烟蘿倚徙垂楊沼紅
蕖映碧波

蓮社忘年契蓬門竟日過路深蒼蘚合樹密綠
陰多風裊垂簷柳雲連夾道蘿爲漁艇皞世寧
惜老滄波

已識春無賴誰知夏又過情投會不厭老去興
偏多款款歸林鳥盈盈隔嶼蘿自憐門外水不
起世間波

小圃臨三伏閒情總一過上釣新月細拂鏡野
雲多嘆世搔蓬髮論交幸女蘿寒暄吾父謝安
用溜簷波

七夕喜雨

相傳七夕事奇哉，樂意今宵更幾迴。
莫論填河渡牛女，且看行雨到陽臺。
蕭蕭踈牖迎涼入，寂寂深杯待月來。
興發山中病司馬，醉狂清夜句頻裁。

盛古泉少司徒七十二首

清朝早解疏，公綬綠野弘開。
晉國堂爐內養丹，身獨健。
田間種三景，初長蓬萊。
旒獻千年實天，地莫舒一葉芳。
黃髮已知思。

聖主綸音會見出明光

曾隨白簡侍金鑿，一臥丘園幾歲寒。
獨羨勲名輝漢闕，誰憐飄泊向江湍。
百年喬嶽生申伯，四海蒼生屬謝安。
遙憶皖山開宴處，共迎長日到芝蘭。

訪雪圖

偶披訪雪圖，一艇向烟波。
悠然乘興去，不問夜如何。
醉欲凌寒氣，風將起棹歌。
山陰千載後，重見子猷過。

送江繩川赴南都

舊京風物域中殊秋色遙看入畫圖景勝一方
仙作吏地雄千古帝爲都秦淮水長蟾光溢鐘
阜天高鴈影孤此別知君凝望處西湖今是白
雲湖

送李珠山封君北上分韻得香字

謫仙舊社五雲旁仙珮仍看入帝鄉姓字不將
通漢籍詩歌常得頌羲皇西臺綵袖情方切秋
水樓船路正長別後懸知重晤日雙龍親捧紫

泥香

贈潘南野都閩

曾聞諸葛臥南陽千載誰如遠紹芳築室正當
莘野闢捲簾不礙舜風揚曾中磊磊藏兵甲樹
底陰陰繫驢驢一自登壇專漢闕坐銷鋒鏑位
時康

餞楊築野光祿

雨過西湖水滿堤新涼須倒掌中后故人誰是
關西望往事真慚莫北知漢海由來吳國利饋

珍從此漢宮宜掛帆回首雲霄近莫向秋風悵
別離

中秋夜宴

廣寒秋色正平分玉宇蟾光淨夜氛地僻偶開
雙桂宴河明條畫一天雲曾從左掖裁詩出幾
向南樓坐語紛潦倒滄洲頭半白清輝亦到鷺
鷗羣

西溪訪洪介石畱宿池高

水繞亭臺萬玉森幽深不受市塵侵宛然習氏
臨池景更有陳君下榻心孤枕鳴蛩那得寐殘
荷滴雨自成音曉來蓬鬢憑欄處踈樹林中起
翠禽

顧山人歸山戲贈

辟穀烟霞三十春更從塵世乞閒身茫茫莫問
尋仙路隨地丹丘自有真

雲居雜詠

長松迢遞接紛華一徑秋林帶部斜縹緲上方
聞犬吠白雲深處是僧家

山前山後萬株松蒼翠悠然殿閣重莫道蕭條
人跡少長廊喜見一僧逢

檻外芭蕉映薜蘿日長誰似綠陰多也因曾得
其中趣故向西牕植蒲坡

懸崖雲臥舊名堂景物翛然生晝涼愛客不辭
雙下榻一杯龍井試先嘗

小小亭開斗室旁湖光山色共蒼茫窓前更有
供清玩數朶荷花水面香

送柴醴泉柱史應召

龍山初宴罷驄馬在秋風豈願辭親去其如著
望隆登車還愛日拂劍欲成虹汜濫江淮上無
能答舜聰

八日宿顧介翁山樓候青門社長不至

山樓一宿興初濃風雨瀟瀟起暮鍾歌徹九清
疑下鳳氣騰萬壑欲成龍閒身敢負黃花節笑
口渾忘白髮茸同約不同良夜飲茫然何地覓
雲蹤

九日雨中集介翁山樓分得中字賦十二

韻

樹色蒼茫外山光變幻中地臨三竺雨涼入一
天風烟靄環疑障陰晴轉似蓬仙家靈鷲館地
主庶皮翁客佩茱萸至人聯薜荔叢尊傾九醞
醴庭繫五花驄世事浮雲去生涯野雀同遨遊
雙屐遠蕭瑟八牕通佳節違黃菊新流馮玉虹
醉還誇酒聖狂不厭歌童饌列筵前豹詞磨空
裡鴻縱然折附驥能不愧雕蟲

酌葉石南年兄於湖上小堂漫賦因書為

贈

旋剪新茅葺舊堂客來秋色漫蒼茫年光別後
同忘世野興山前對舉觴幻景自憐雲水地餘
生敢薄芰荷裳為漁須得漁家趣一任紅塵滿
道旁

兩都遊宦與君同回首烟霞一夢中既失何須
論塞馬得閒只合賦雲鴻秋深不道涼颼少誼
重寧教暫晤空授簡雕蟲原自愧卽看雙鯉幾
時通

壽沈母

寶婺明新霽金風霽壽卮請看閨閣秀誰是雪
霜姿龔裏黃花酒堦前玉樹枝更期稱慶日鸞
誥出丹墀

同大宗伯林對山年兄宿浙江驛

江亭細雨夜牕幽一榻清燈話未休撫枕不勝
千里思感懷又過萬山秋乾坤異地憐青眼湖
海同心愧白頭莫惜相逢今日醉他年吾輩是
南樓

憶自當年侍從班珮聯鷓侶日珊瑚鳳毛五色
雲霄上驄馬三巡甸服間世路風塵綠獨淺夜
堂烟雨意俱閒不須更擬尊前晤遮莫常存鏡
裡顏

謁褒忠祠代作

廟貌維新祀典崇綸音千載表孤忠勲名肯赴
圖麟會節槩長存扣馬風萬古綱常青史重一
堂俎豆赤心同官墻密邇瞻依地浙水吳山總
不窮

同吳初泉奉常酌顧西巖廡訪於孤山飛
雲樓聯句

初晴載酒共登樓馬樓上牕虛豁遠眸顧睥睨
雲銷紅樹出吳林塘水浸碧山幽馬笑談移日
聯心曲顧生計頻年有釣舟吳同是青春天上
侶馬相逢又喜醉鄉遊吳

飛雲高倚翠雲稠馬霜氣酣林宿雨收吳撫景
不堪搖落候馬問盟重繫別離愁吳逢迎且醉
青山酒顧潦倒空悲白髮秋馬出處人生何必

論吳廟堂湖海兩優游馬

縹緲危樓生白雲吳朔風湖上坐論文馬頻年

契闊今重晤顧一榻流連日易曛馬更棹扁舟

來別墅顧每依芳樹挹清芬吳浮生往事渾疑

夢馬自愛山中鹿豕羣吳

送許一所按江北

年來世事杳無聞尊酒河涯忽送君自愧寒風
騷白首獨憐繡斧在青雲地臨漢甸寰中勝冠
肅秦家柱後文莫以霜威行處凜春生回首漫

流芬

送西岩顧憲使之滇中

迢遞星輶雪後程
武夷遊遍更茲行
臺端持法君恩渥
馬首逢春霽色明
萬里定知蠻徼化
一尊誰謂別離輕
昆明池上篇章富
何日天涯寄好聲

送宋給諫還朝

年來岩谷賴情親
忍向尊前遠問津
去路舟從春水放
侍臣名上御屏新

適元朝進書名圍屏芳聲諫

草飛青瑣盛冠簪
愧白綸別後相思
何處覓梅花香月轉
愁人

中洲年兄雙壽

臘日梅初葢春風
柳欲烟壽筵雙啟
處花甲始週年座上
霞觴滿堦前王樹妍
超然塵網外誰不羨
神僊

國



